



Broj: 05-16-4-2663-5/15
Sarajevo, 20.04.2015.godine

Na osnovu člana 70. i člana 89. Zakona o javnim nabavkama Bosne i Hercegovine („Službeni glasnik Bosne i Hercegovine“ broj 39/14), ministar pravde Bosne i Hercegovine, donosi

ODLUKU **o dodjeli ugovora u postupku javne nabavke**

I

Dodjeljuje se ugovor ponuđaču Franex Trade d.o.o., ulica Vilsonovo šetalište broj 9, Sarajevo u postupku javne nabavke uredskog materijala.

II

Ponuđač iz tačke I ove odluke dostavio je najnižu cijenu u skladu sa članom 64. stav (1) tačka b) Zakona o javnim nabavkama Bosne i Hercegovine.

O b r a z l o ž e n j e

Ministarstvo pravde Bosne i Hercegovine je 16.03.2015.godine, pokrenulo konkurentski postupak nabavke uredskog materijala i izvršilo objavu na portalu javnih nabavki Agencije za javne nabavke Bosne i Hercegovine, dana 31.03.2015.godine.

31.03.2015.godine upućeni su pozivi za dostavljanje ponuda sljedećim ponuđačima: Franex Trade d.o.o., ulica Vilsonovo šetalište broj 9, Sarajevo, Eurosan d.o.o., Bišće polje bb, Mostar i Golding d.o.o., ulica Brune Bušića, Mostar.

U ostavljenom krajnjem roku za dostavljanje ponuda pristiglo je šest ponude i to od strane sljedećih ponuđača: Termag d.o.o., ulica Serdar Janka broj 21, Rogatica, Svjetlostkomerc d.d., ulica Muhameda Kantardžića broj 3, Sarajevo, Franex Trade d.o.o., ulica Vilsonovo šetalište broj 9, Sarajevo, Elkom d.o.o., Divijak bb, Vitez, Primaprom d.o.o., ulica Vidovdanska bb, Banja Luka i R&S d.o.o., ulica Igmanska bb, Vogošća.

Komisija za javne nabavke (u daljem tekstu Komisija) je pristupila ocjeni ponuda i utvrdila da dostavljena ponude od ponuđača Franex Trade d.o.o., ulica Vilsonovo šetalište broj 9, Sarajevo i Svjetlostkomerc d.d., ulica Muhameda Kantardžića broj 3, Sarajevo ispunjavaju formalno pravne i tehničke uvjete navedene u konkurentskom zahtjevu i smatraju se prihvatljivim.

Nadalje, Komisija je nakon analize i procjene dokumentacije priložene uz ponude i dostavljenih uzoraka ostalih navedenih ponuđača, utvrdila da isti ne ispunjavaju sve formalno - pravne i tehničke uvjete navedene u konkurentskom zahtjevu iz sljedećih razloga:

1. Ponuda Termag d.o.o., ulica Serdar Janka broj 21, Rogatica.

Tačkom 4.1.5 pod 1) Konkurentskog zahtjeva – nabavka uredskog materijala broj: 05-16-4-2663-1/15 propisano je da ponuđač može učestvovati u postupku nabavke ako ispunjava sljedeće minimalne uslove, da je u posljednje dvije godine, **uspješno realizirao** najmanje dva ugovora ukupne vrijednosti minimalno vrijednosti ponude, a koji se odnose na nabavku uredskog materijala. Takođe tačkom 4.1.6 pod a) propisano je da će ponuđač dostaviti potpisane i ovjerene najmanje dvije potvrde od strane primatelja **o uspješnoj realizaciji ugovora** koji se odnosi na nabavku uredskog materijala (kao dokaz uslova iz tačke 4.1.5.1).

U konkretnoj ponudi ponuđača Termag d.o.o. Rogatica, dostavljene su dvije potvrde:

- Potvrda broj: 20/15 od 07.04.2015. godine primaoca usluga „Standard“ a.d. Rogatica, isporuka uredskog materijala u 2013. i 2014. g. u kojoj **nije precizno navedeno da je isporuka uredskog materijala uspješno realizirana** te shodno navedenom ponuđač Termag d.o.o. Rogatica nije ispunio uvjet, koji je propisan konkurentskim zahtjevom nabavke uredskog materijala broj: 05-16-4-2663-1/15; te
- Potvrda broj: 7/15 od 02.04.2015. godine primaoca usluga „GAT“ d.o.o. Rogatica, isporuka uredskog materijala u 2013. i 2014. g. u kojoj **nije precizno navedeno da je isporuka uredskog materijala uspješno realizirana** te shodno navedenom ponuđač Termag d.o.o. Rogatica nije ispunio uvjet, koji je propisan Konkurentskim zahtjevom nabavke uredskog materijala broj: 05-16-4-2663-1/15.

Isto tako, tačkom 3.2.5 Konkurentskog zahtjeva – nabavka uredskog materijala propisana je obavezna dostava uzoraka - ponuđači će dostaviti uzorke za one artikle iz Aneksa 1 tenderske dokumentacije, odnosno obrasca za cijenu ponude, koji su označeni boldirano i iste je potrebno dostaviti uz ponudu na adresu: Zgrada prijateljstva između Grčke i Bosne i Hercegovine, Trg Bosne i Hercegovine broj 3, Sarajevo (soba protokola, X sprat), dok je tačkom 3.2.7 propisano da ako Komisija ocijeni da dostavljeni uzorci nisu u skladu sa zahtjevima navedenim u Aneksu 1 tenderske dokumentacije takvu ponudu će odbiti kao neprihvatljivu.

U konkretnom slučaju ponuđač Termag d.o.o. Rogatica nije dostavio odgovarajući uzorak kao što je propisano tačkom 27. Obrasca za cijenu ponude, koji je sastavni dio Konkurentskog zahtjeva nabavke uredskog materijala broj: 05-16-4-2663-1/15 - *Kemijska olovka, crna, plava, crvena, Pilot HI – TEC V5 grip 0,5mm ili ekvivalent*, već drugačiji uzorak koji ne odgovara zahtjevanom, a obzirom da odstupanja nisu dozvoljena za stavke broj: 8, 25, 26, 27, 32, 41, 52, 53, 73, 81 i 99, i iz tog razloga Komisija predlaže da se navedena ponuda odbaci kao neprihvatljiva, jer Zakonom o javnim nabavkama BiH članom 68. stav (4) tačka i) je propisano da je ugovorni organ dužan odbaciti zahtjev za učešće ili ponudu u slučajevima kad ponuda nije potpuna i ne ispunjava zahtjeve iz tenderske dokumentacije.

2. Ponuda Elkom d.o.o., Divijak bb, Vitez.

Tačkom 3.2.5 Konkurentskog zahtjeva – nabavka uredskog materijala propisana je obavezna dostava uzoraka - ponuđači će dostaviti uzorke za one artikle iz Aneksa 1 tenderske dokumentacije, odnosno obrasca za cijenu ponude, koji su označeni boldirano i iste je potrebno dostaviti uz ponudu na adresu: Zgrada prijateljstva između Grčke i Bosne i Hercegovine, Trg Bosne i Hercegovine broj 3, Sarajevo (soba protokola, X sprat), dok je tačkom 3.2.7 propisano da ako Komisija ocijeni da dostavljeni uzorci nisu u skladu sa zahtjevima navedenim u Aneksu 1 tenderske dokumentacije takvu ponudu će odbiti kao neprihvatljivu.

U konkretnom slučaju ponuđač Elkom d.o.o. Vitez nije dostavio odgovarajući uzorak kao što je propisano tačkom 27. Obrasca za cijenu ponude, koji je sastavni dio Konkurentskog zahtjeva nabavke uredskog materijala broj: 05-16-4-2663-1/15 - *Kemijska olovka, crna, plava, crvena, Pilot HI – TEC V5 grip 0,5mm ili ekvivalent*, već drugačiji uzorak koji se ne odgovara zahtjevanom, a obzirom da odstupanja nisu dozvoljena za stavke broj: 8, 25, 26, 27, 32, 41, 52, 53, 73, 81 i 99. Iz tog razloga Komisija predlaže da se navedena ponuda odbaci kao neprihvatljiva, jer Zakonom o javnim nabavkama BiH članom 68. stav (4) tačka i) je propisano da je ugovorni organ dužan odbaciti zahtjev za učešće ili ponudu u slučajevima kad ponuda nije potpuna i ne ispunjava zahtjeve iz tenderske dokumentacije.

3. Ponuda Primaprom d.o.o., ulica Vidovdanska bb, Banja Luka.

Tačkom 4.1.5 pod 1) Konkurentskog zahtjeva – nabavka uredskog materijala broj: 05-16-4-2663-1/15 propisano je da ponuđač može učestvovati u postupku nabavke ako ispunjava slijedeće minimalne uslove, da je u posljednje dvije godine, **uspješno realizirao** najmanje dva ugovora ukupne vrijednosti minimalno vrijednosti ponude, a koji se odnose na nabavku uredskog materijala. Takođe tačkom 4.1.6 pod a) propisano je da će ponuđač dostaviti potpisane i ovjerene najmanje dvije potvrde od strane primatelja **o uspješnoj realizaciji ugovora** koji se odnosi na nabavku uredskog materijala (kao dokaz uslova iz tačke 4.1.5.1).

U konkretnoj ponudi ponuđača Primaprom d.o.o. Banja Luka, dostavljene su dvije potvrde:

- Potvrda broj: 1/2.4-411-1/15 od 20.02.2015. godine primaoca usluga „Pošte Srpske“ a.d. Banja Luka, isporuka uredskog materijala u 2010., 2011., 2012. i 2013. g. u kojoj **nije precizno navedeno da je isporuka uredskog materijala uspješno realizirana. Također, u**

predmetnoj potvrdi je navedeno da je tokom navedenih godina vršena isporuka samo štampanog materijala, nije precizno navedeno kojeg štampanog materijala, što se ne može smatrati kompletnim uredskim materijalom shodno zahtjevanim preciziranim odredbama Konkurentskog zahtjeva (Obrazac za cijenu ponude) – nabavka uredskog materijala koji ne podrazumjeva samo štampani materijal. Shodno navedenom ponuđač Primaprom d.o.o. Banja Luka nije ispunio uvjet, koji je propisan Konkurentskim zahtjevom nabavke uredskog materijala broj: 05-16-4-2663-1/15; te

- Potvrda broj: 06.3.07/111.3-368/15 od 17.04.2015. godine primaoca usluga „Republički zavod za statistiku“ Republike Srpske, Banja Luka, isporuka uredskog materijala u 2013. i 2014. g. u kojoj je navedeno da je tokom navedenih godina vršena nabavka usluga štampanja statističkih obrazaca, biltena i publikacija što se nikako ne može smatrati uredskim materijalom shodno zahtjevanim preciziranim odredbama Konkurentskog zahtjeva (Obrazac za cijenu ponude) – nabavka uredskog materijala koji ne podrazumjeva predmetno, te shodno navedenom ponuđač Primaprom d.o.o. Banja Luka nije ispunio uvjet, koji je propisan Konkurentskim zahtjevom nabavke uredskog materijala broj: 05-16-4-2663-1/15.

Imajući u vidu izneseno, Komisija je ocijenila da ponuda ponuđača Primaprom d.o.o. Banja Luka nije prihvatljiva iz naprijed navedenih razloga, te predlaže da se ista odbaci kao takva, jer Zakonom o javnim nabavkama BiH članom 68. stav (4) tačka i) je propisano da je ugovorni organ dužan odbaciti zahtjev za učešće ili ponudu u slučajevima kad ponuda nije potpuna i ne ispunjava zahtjeve iz tenderske dokumentacije.

4. Ponuda R&S d.o.o., ulica Igmanska bb, Vogošća.

Tačkom 4.1.5 pod 1) Konkurentskog zahtjeva – nabavka uredskog materijala broj: 05-16-4-2663-1/15 propisano je da ponuđač može učestvovati u postupku nabavke ako ispunjava slijedeće minimalne uslove, da je u posljednje dvije godine, uspješno realizirao najmanje dva ugovora ukupne vrijednosti minimalno vrijednosti ponude, a koji se odnose na nabavku uredskog materijala. Takođe tačkom 4.1.6 pod a) propisano je da će ponuđač dostaviti potpisane i ovjerene najmanje dvije potvrde od strane primatelja o uspješnoj realizaciji ugovora koji se odnosi na nabavku uredskog materijala (kao dokaz uslova iz tačke 4.1.5.1).

U konkretnoj ponudi ponuđača R&S d.o.o. Vogošća, dostavljene su dvije potvrde:

- Potvrda broj: 144/15 od 27.01.2015. godine primaoca usluga „Lutrija Bosne i Hercegovine“, isporuka uredskog materijala u 2012., 2013. i 2014. g. u kojoj nije precizno navedeno da je isporuka uredskog materijala uspješno realizirana te shodno navedenom ponuđač R&S d.o.o. Vogošća nije ispunio uvjet, koji je propisan Konkurentskim zahtjevom nabavke uredskog materijala broj: 05-16-4-2663-1/15; te
- Potvrda o uspješno izvršenim isporukama broj: 03-02-01-389-0404/15 od 26.01.2015. godine primaoca usluga „Toplane Sarajevo“ d.o.o., isporuka uredskog materijala u 2012., 2013. i 2014. g. koja ispunjava sve uslove propisane Konkurentskim zahtjevom nabavke uredskog materijala broj: 05-16-4-2663-1/15.

Isto tako, tačkom 3.2.5 Konkurentskog zahtjeva – nabavka uredskog materijala propisana je obavezna dostava uzoraka - ponuđači će dostaviti uzorke za one artikle iz Aneksa 1 tenderske dokumentacije, odnosno obrasca za cijenu ponude, koji su označeni boldirano i iste je potrebno dostaviti uz ponudu na adresu: Zgrada prijateljstva između Grčke i Bosne i Hercegovine, Trg Bosne i Hercegovine broj 3, Sarajevo (soba protokola, X sprat), dok je tačkom 3.2.7 propisano da ako Komisija ocijeni da dostavljeni uzorci nisu u skladu sa zahtjevima navedenim u Aneksu 1 tenderske dokumentacije takvu ponudu će odbiti kao neprihvatljivu.

U konkretnom slučaju ponuđač R&S d.o.o. Vogošća nije dostavio odgovarajući uzorak kao što je propisano tačkom 26. Obrasca za cijenu ponude, koji je sastavni dio Konkurentskog zahtjeva nabavke uredskog materijala broj: 05-16-4-2663-1/15 - *Kemijska olovka, crna, plava, crvena, Pilot super grip (F) ili ekvivalent, već drugačiji uzorak koji ne odgovara zahtjevanom, a obzirom da odstupanja nisu dozvoljena za stavke broj: 8, 25, 26, 27, 32, 41, 52, 53, 73, 81 i 99, i iz tog razloga Komisija predlaže da se navedena ponuda odbaci kao neprihvatljiva, jer Zakonom o javnim nabavkama BiH članom 68. stav (4) tačka i) je propisano da je ugovorni organ dužan odbaciti zahtjev za učešće ili ponudu u slučajevima kad ponuda nije potpuna i ne ispunjava zahtjeve iz tenderske dokumentacije.*

Shodno navedenom, Komisija je prema utvrđenom kriteriju najniže cijene preporučila ministru pravde Bosne i Hercegovine (Zapisnik broj: 18.6-16-4-2666-2/15 od 10.04.2015.godine u prilogu), da se u predmetu nabavka uredskog materijala, donese Odluka o dodjeli ugovora ponuđaču Franex Trade d.o.o., ulica Vilsonovo šetalište broj 9, Sarajevo, čija cijena ponude iznosi 29.601,61 KM (slovima: dvadesetdevehtiljadašeststotinajedan i 61/100 KM) sa uračunatim PDV-om.

Uzimajući u obzir naprijed navedeno, odlučeno je kao u dispozitivu odluke.

Pouka o pravnom lijeku: svaki ponuđač koji ima legitiman interes za konkretan ugovor o javnoj nabavci i koji smatra da je Ministarstvo pravde Bosne i Hercegovine u toku konkretnog postupka dodjele ugovora, prekršilo jednu ili više odredbi Zakona o javnim nabavkama i/ili podzakonskih akata, ima pravo uložiti žalbu ministru pravde Bosne i Hercegovine na postupak u pisanoj formi, u roku određen članom 101. Zakona o javnim nabavkama Bosne i Hercegovine od dana kada je primio odluku, odnosno obavještenje o rezultatima.



Dostaviti:

- Ponuđačima,
- a/a.